

Angajoqqaanut paasisutissat

**Meeqqat inuusuttuaqqallu
ilimagisamiit imigassamik
aanngajaarniutinillu
ATUINERUPPUT**

Ullakornetel



Ullakornetel

Naqeqqitaq december 2007





Kalaallit meerartai inuusuttuarartaallu imigassamik aalakoornartulimmik usseqqartarnerat siusippoq

Meeqqat siusissukkut imigassamut tunngatillugu ileqqoqalersarlutillu isummersulertarput. Meeqqat angajoqqaamik iliuisaannik oqaaserisaannillu sunnertittarput. Qatanngutit angujullumaarnerusut imigassamik atuinerat tunngavigalugu imigassamik namminneq qanoq atuileraarnermikkut ilimasuuteqalersarput. Illit angajoqqaatut meeqqavit imigassamik aannagaarniutinillu atuineranut annertuumik sunniuteqqaataaffigaat.

Illit angajoqqaatut meeqqavit atuineranut sunniuteqqaataavutit

Angajoqqaat, pingaartumik inuusuttuaqqap imigassamik suli ussiisimanginneranik, meeqqat najoqqutarisinaasaannut ileqqulersuutissaannullu annertuumik periarfisaqarput sunniuteqarnissassinnut.

Misissuinerup takutippaa:

- Meeqqat angajoqqaaminnut attaveqarluartut imernikinnerusartut
- Meeqqat angajoqqaamik imigassamut ileqqulersuutaat aallaavigalugu ilikkartartut
- Meeqqat ersarissumik ileqqunik paasitinneqartartut, imernikinnerusartut
- Meeqqat angerlarsimaffimmi imigassamik neqeroofigineqarneq ajortut, imernikinnerusartut

Angajoqqaat meeqqaminnut attaveqarluarunik imigassamik aannagaarniutinillu allanik annertuumik atuineranullu pinngitsoortitsinnaapput.

Aannagaarniutit pillugit meeqqavit oqaloqatiginissaanut kingusinaarnaviangilaq

Inuusuttuaqqat imigassamik atuilereernerikkut kammalaatiminnik annertuumik sunnertittarput. Nunanili Avannarlerni misissuinerpassuit takutippaat inuusuttu namminnermisut naleqqutumik ileqqullit - aamma imigassamut tunngatillugu, kammalaatissatut qinissallugit orniginerusaraat.

Ilissi angajoqqaatut meeqqassinut sunniuteqartarneris ima annertutigaaq, allaat meeqqassi kammalaatissaminnik qinaasineranni sunniuteqarfigisarlusiuk

Inuusuttuaqqat qaqugu imigassamik atuisinnaalissappat? Piffissaq qaqugukkut imigassamik atuisinnaangorfiussanersoq oqallisigineqarsinnaavoq. Inatsiseqarpugut inuusuttuaqqanut 18-nit inorlugit ukiulinnut imigassamik pisisitsisoqarsinnaanerannik inerteqqummik. Ilisimaneqanngilaq piffissaq qanoq ilinera naleqqunnerunersoq, kisianni pingaartuuvoq ilissi angajoqqaatut meeqqavit klasseanni angajoqqaatut allat peqatigalugit isummasi qanoq ittuunersut oqallisigissallusiuk. Nuannannerni assigisaannilu inuusuttuaqqat qaqugukkut imigassartorsinnaappat.

Meeqqassi imigassartoqqaartalernissaat ataatsimoorlusi kinguartissinnaavarsi

Klasseni angajoqqaajusut suleqatigiinnerat aallartiaassallugu pingaaruteqarpoq. Atuartut tupamik, imigassamik ikiaroornartumillu atuinerat pillugu 2006-imi Kalaallit Nunaanni misissuinerup takutippaa inuusuttuaqqat aalakoqqaartarnerat aallartittartoq 13-15-inik ukioqalerneranni.



5.-6. klasseni

2006-imi misissuinerit naapertorlugit 11-12-inik ukiullit 2 % minnerpaamik sisamariarlutik aalakoorneq misilissimavaat, taamatutaaq 13-14-inik ukiullit 8 % kiisalu 15-17-inik ukiullit 29 %.

Sisamariarluni imaluunniit arlalerarluni aalakoortarneq, 14-15-inik ukiulinni qaffariaatit annertunersaallutik. Siuserusukkut misissuinerit assigalugit imigassamik atuinerit amerlanerpaartaat angerlarsimaffinni pisartoq ilisimaneqarpoq.

Taamaattumik 5. - 6. klassenut angajoqqaat isumaqatigiisuteqarnissaat piffissaasinnaavoq. Isumaqatigiisutit imarisinnaavaat imigassamik atueqqaarnissap assersuutigalugu 15-inik ukioqalernissamut kinguartinneqarnissaa, nuannannerit qanoq ingerlanneqartarnissaat pillugu isumaqatigiisutit, aammalu imigassamik aannagaarniutinillu allanik klas-

seni atuartut ataasiakkaat imaluunniit ataatsimooqatigiini ajornartorsiutit qanoq qaangerniarneqassanersut.

Meerarisap atuaqatai aannagaarniutinik ajornartorsiuteqarpat angajoqqaat ataasiakkaat qanoq iliorsinnaanerit oqaluuserissallugu aamma pingaartuuvoq - qanoq iliorluta angajoqqaatut taperserseqatigiisinnavaugut paasisagullu pillugit eqqornerpaamik immitsinnut oqaluttuuttalersinnaanerput pilersissinnaavarput.

Angajoqqaat meeqqamik ajunngitsumik ineriartornissaa soqutigisorujussuaat, kisianni aamma meeqqaminnut meeqqaminnillu perorsaanertik pillugu isornartorsiorneqarsinnaanermut malussarissorujussuullutik. Taamaattumik angajoqqaat akunnerminni imminnut saaffigeqatigiisinnanaaneranni suut pitsaaqutaasinnanersut suullu akornutaasinnanersut angajoqqaat ataatsimiinneranni sukumiisumik oqaluuserineqarnissaat pingaartuuvoq.

Angajoqqaat isumaqatigiissutissaata suliarineqarnissaanut atatillugu sammisatut eqqartorneqarsinnaasunut siunnersuut:

- Inuusuttuarartatta imigassartoqqaarnissaanni qassinik ukioqarnissaq naleqqunnerpaava?
- Imigassartortoqarsinnaappat imigassaq qanoq annertutigisoq akuerisinnaavput?
- Inuusuttuaqqat nuannakkaangata inersimasortaqaassappat, inersimasullu qassit?
- Nuannannerit qassinut naammassineqartassappat/matusassappat?
- Inuusuttuarartatta periusaat pillugit mamarliinertut isornartorsiuinertulluunniit isumaqarfigineqartussaangitsumik immitsinnut saaffigaluta qanoq ililluta oqaloqatigiittarsinnaavugut?

6.-11. klasseni

Piffissami tamatumani imigassaq meeqqat inuuneranni sunniuteqarneruleriartussaaq.

Isumaqatigiissut ukiut tamaasa qaqilernerqarsinnaavoq inuusuttuaqqallu ineriartornerannut klassenilu imigassamik aanngajaarniutinillu ajornartorsiutinut piviusunut naleqqussarneqarsinnaalluni.

Meeqqavit ajornartorsiutai pillugit tusarnaarnissamut oqaloqatigiissutiginnissannullu piareersimajuaannarit. Meerarisat imigassamut aanngajaarniutinullu tungnatillugu ajornartorsiuteqaraluarpaluunniit attavigilluartuarnissaa pingaartuuvoq. Akuersaanginneq imaluunniit pillaaneq meeqqannut attaveqarninnut imaluunniit meeqqavit aanngajaarniutinut ileqqvanut pitsaanguutaannaviangilaq.

“Meeqqatta paarinissaannut” ikioqatigiippugut

Qaqugu aallartissinnaanerat pillugu isumaqatigiinnissamut inuusuttuaqqat peqataatinneqassappat?

Ileqqulersuutit piulereersut allanngortinniraanni inuusuttuaqqat namminneq

naatsorsuutigisaat aallaavigiunaassinnaammatt eqqumaffigissallugu pingaartuuvoq.

Inuusuttuaqqat ataatsimooqateqartarunik kammalaatiminnit imerniartunit sunernerneqarataannaallutillu periarfissaqarataannaapput. Imaassinnaavoq inuusuttuararpassuit imigassartorusunngitsut, kisianni kammalaatitik inersimasuunerup usernartortaannik qilanaartuuserusuttut inooqataaffigaat, tamannalu taakkununga sunniuteqarpoq. Qassinik ukioqarnissaat angajoqqaat aalajangigaata tungaanut imigassartaqanngitsumik nuannatarnarit pillugit angajoqqaat akornanni isumaqatigiittoqarsinnaappat inuusuttuaqqat taakku tapersorneqassapput.

Aalajangiineq tamanna angajoqqaatut illit akisussaaffigaat. Taamaalillutit inuusuttuaqqat imerusunngitsut inuusuttuaqqanit imerusuttunit ajornartorsior-tinneqarnissaagaluat pinngitsoortissinnaavat.

Isumassarsiorfissatut ilanngunneqarpoq atuarfiit ilaanni 7. klassemi atuartunut atugassatut isumaqatigiissummut asser-suut.



Atuarfiit ilaani 7. Q-mi atuartut angajoqqaavisa 23. november 2003-mi ataatsimiinneranni makku isumaqatigiissutigineqarput:

- Angerlarsimaffinni nuannannerni imigassaq sassaalliutigineqas-sanngilaq nassaqqusaananilu
- Angerlarsimaffinni nuannannerni tamatigut angajoqqaat imaluunniit inersimasut allat najuuttassapput
- Klasseni nuannannerit kingusinnerpaamik 23.30 naammassineqartassapput
- Meeqqat imigassarlu imminnut naleqqutinngillat
- Meeqqat akunnerminni isumaqatigiissutaat uagut tatigaavut. Nalornigutta - imaluunniit tupigusukkutta - immitsinnut sianerfigissaagut
- Meeqqavut pillugit takusaqarutta imaluunniit tusagaqarutta, angajoqqaajusut attaveqarfignavut
- Isumaqatigiissut una ukiut tamaasa angajoqqaat ataatsimiinneranni oqallisigineqartassaaq naleqqussarneqartarlunilu



Ungdomsklubbeni nuannannerit.

Inuusuttuaqqanut nuannatsitsinerit amerlasuut Ungdomsklubbeni pisarput. Naak inuusuttunut 18-it inorlugit ukiulinnut imigassamik sassaalliinneq inertequtaagaluartoq, sumiiffinni amerlanerusuni inuusuttut aalakoortut takkuttarnerat akuerisaavoq.

Inuusuttuaqqat nuannanneranni killiliussat angajoqqaat ataatsimiinneranni isumaqatigiissutigineqartut ungdomsklubbe aqutigalugu aamma oqaluuserineqarnissaat qularnaassallugu angajoqqaat soqutigisaraat.

Tassani ilinniartitsisup, angajoqqaat sinnisaasa imaluunniit atarfimmut siulersuisuni ilaasortat ungdomsklubbeq attavigineqarnera pilersissinnaavaat imigassamillu atuneq pillugu inuusuttuaqqanut oqariartuutit malinneqarnissaat qulakkeerlugu.

Aalakoornatal



Ikiroornatal



Paarisa 2007